



Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

**Odbor za javna priznanja
Kantona Sarajevo**

Broj:01-04-1503-6/26
Sarajevo, 08.04.2026.godina


SKUPŠTINA KANTONA SARAJEVO
n/r Sekretara

PREDMET: Odluke Odbora za javna priznanja Kantona Sarajevo -dostavljaju se.

Poštovana,

U prilogu ovog akta dostavljamo Vam Odluke o dodjeli javnih priznanja Kantona Sarajevo, koje verifikuje Skupština u skladu sa članom 6. Zakona o javnim priznanjima Kantona Sarajevo.

S poštovanjem.



PREDSJEDAVAJUĆI ODBORA

Elvedin Okerić

Prilog: Odluke Odbora za javna priznanja sa obrazloženjima (15x)



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

**Odbor za javna priznanja
Kantona Sarajevo**

Broj:01-04-1503-5/26
Sarajevo, 7.04.2026.godine

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 7.04.2026.godine, donio je jednoglasno

**ODLUKU
O DODJELI PLAKETE
KANTONA SARAJEVO**

I

Memorijalnom centru Srebrenica -Potočari, dodjeljuje se Plaketa Kantona Sarajevo, kao priznanje za doprinos očuvanju historijske istine i njegovanju sjećanja na žrtve genocida tokom rata u Bosni i Hercegovini.

II

Ova odluka dostavlja se Skupštini Kantona Sarajevo na verifikaciju.



PREDSJEDAVAJUĆI ODBORA

Elvedin Okerić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 6.Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana ,donijela je

PRIJEDLOG

ODLUKU

O VERIFIKACIJI ODLUKE O DODJELI PLAKETE KANTONA SARAJEVO

I

Skupština Kantona Sarajevo verifikuje Odluku o dodjeli Plakete Kantona Sarajevo, **Memorijalnom centru Srebrenica-Potočari**, kao priznanje za doprinos očuvanju historijske istine i njegovanju sjećanja na žrtve genocida tokom rata u Bosni i Hercegovini.

II

Ova odluka objavit će se u “Službenim novinama Kantona Sarajevo”.

Broj:
SARAJEVO

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić



Elvedin Okerić, zastupnik u Skupštini Kantona Sarajevo

Odbor za dodjelu javnih priznanja Kantona Sarajevo
n/r Sekretara
n/r članova Odbora

PREDMET: INICIJATIVA ZA DODJELU JAVNOG PRIZNANJA PLAKETA KANTONA SARAJEVO (kolektivna) ZA 2025. GODINU sljedećim:

1. Udruženju Pokret Majke enklave Srebrenica i Žepa, kao priznanje u višedecenijskoj borbi za pravdu, istinu, ljudska prava i dostojanstvo žrtava

Obrazloženje

Udruženje Pokret "Majke enklava Srebrenice i Žepe" je bosanskohercegovačka nevladina organizacija koja okuplja preživjele, te članove porodica ubijenih i nestalih 1995. godine, tokom pada "zaštićenih zona" Srebrenice i Žepe. Udruženje je osnovano 1996. godine, a svoje uredje ima u Sarajevu i Potočarima (Srebrenica). Okuplja članove iz nekoliko federalnih kantona, Republike Srpske i bh. dijaspore.

Osnovni razlozi za osnivanje Udruženja bili su želja i potreba da se učestvuje u razjašnjavanju sudbine nestalih u julu 1995. godine, a zatim i nestalih od 1992. do 1995. u Srebrenici i Žepi, te Sokocu, Han Pijesku, Rogatici, Vlasenici, Bratuncu, Zvorniku, Višegradu i Foči. Vremenom su se pred Udruženje postavili novi izazovi, od učešća u ekshumacijama, identifikacijama i sahranama pronađenih posmrtnih ostataka, do ekonomsko-socijalnih, zdravstvenih i obrazovnih problema djece članova Udruženja. Ove aktivnosti su dovele do saradnje sa organizacijama koje se bave pitanjem nestalih i poginulih osoba iz cijele nekadašnje Jugoslavije i saradnje sa nevladinim organizacijama i vladinim agencijama iz svih dijelova svijeta.

Udruženje je organizovalo niz izložbi, povodom obilježavanja godišnjica pada Srebrenice.

Izložba organizovana u prostorijama Međunarodnog komiteta Crvenog križa, pet godina nakon srebreničkog genocida, po prvi put su na jednom mjestu okupila je predstavnike međunarodne zajednice, strane i domaće političare i po prvi put su javno progovorili o zločinu u Srebrenici.

Udruženje je bilo aktivni učesnik na brojnim velikim međunarodnim konferencijama koje su organizovala srodna udruženja u Francuskoj, Turskoj, SAD-u, Italiji, BiH itd., a bilo je i suorganizator velikih svjetskih konferencija.

Udruženje je u prvim godinama svog rada provelo anketu o pokopu svojih najmilijih. Anketa je pokazala da preživjeli članovi porodica žele pokopati ostatke ubijenih članova porodice u mjestu Potočari. 11. jula 2001. godine postavljen je kamen temeljac za izgradnju Memorijalnog centra u Potočarima. Prvih 600 identifikovanih tijela žrtava srebreničke tragedije pokopano je 31.03.2003. godine u Potočarima. U svim ovim aktivnostima, Udruženje je bilo maksimalno angažovano.

Pored svakodnevnih aktivnosti, Udruženje je organizovalo više okruglih stolova u procesu promocije istine i njegovanja kulture sjećanja.

Prvi okrugli stol je održan 11.03.2003. godine, na temu "Srebrenica između istine i pravde - sjećanja i nade".

Drugi okrugli stol Udruženje je organizovalo 18.06.2003. godine, na temu "Mjesto, uloga i značaj muzeja u Potočarima". "Fabrika akumulatora je bila glavna baza vojnika mirovne misije UN-a, koje smatramo odgovornim za genocid u Srebrenici. Na naše zalaganje, fabrika je pripala Fondaciji "Srebrenica-Potočari" i biće u sklopu mezarja u Potočarima. Fabrika akumulatora će postati muzej, gdje će se smjestiti svi dokazi genocida u Srebrenici."

Udruženje je organizovalo i treći okrugli stol na temu "Istina o srebreničkom masakru", održan 05.07.2003. godine, a u sklopu obilježavanja osme godišnjice pada Srebrenice.

Organizovale su i veliku konferenciju "Pravda za žrtve", 11.06.2006. godine, u Potočarima. U okviru obilježavanja četrnaeste godišnjice pada Srebrenice, organizovale su konferenciju pod nazivom "Pitanja identifikacija i ukopa posmrtnih ostataka nestalih osoba u BiH", dana 25.06.2009. godine.

U okviru obilježavanja šesnaeste godišnjice pada Srebrenice, Udruženje je 07.06.2011. organizovalo okrugli stol na temu "Identifikacija i ukop nekompletnih posmrtnih ostataka nestalih osoba u BiH".

Konferencija "Masovno silovanje kao dio ratne strategije", održana je 09. i 10. Maja 2012. godine.

Majke Srebrenice aktivne su i kao članovi Koordinacionog odbora za pripreme ukopa tijela identifikovanih žrtava, izvršenih 11.07.2003.godine, 20.09.2003.godine, 11.07.2004. godine, 11.07.2005. godine, 11.07.2006. godine, 11.07.2007. godine, 11.07.2008. godine, 11.07.2009. godine, 11.07.2010. godine, 11.07.2011. godine, 2012. i 2013. godine, u mezarju Potočari.

Na zahtjev Udruženja Pokret "Majke enklave Srebrenica i Žepa", kojeg su Evropskom parlamentu u Briselu predale članice Udruženja lično, usvojena je **REZOLUCIJA O SREBRENICI**.

Rezolucija o Srebrenici je akt po kojem će sve države članice EU obilježavati 11. juli, kao Dan sjećanja na srebrenički genocid. Svakog 11. jula u godini, na zgradi Evropskog parlamenta, zastave će biti spuštene na pola koplja.

Važno je istaći da se danas u parku UN-a se nalazi spomenik "Cvijet Srebrenice". Spomenik je opomena, ali i sjećanje na žrtve genocida počinjenog na tlu Bosne i Hercegovine i dokazanog pred međunarodnim sudovima. Podizanju spomenika prethodila je rezolucija Generalne Skupštine Ujedinjenih nacija donesena 2024. godine, u kojoj ta svjetska organizacija prepoznaje da je u Srebrenici u julu 1995. godine počinjen genocid nad Bošnjacima.

Udruženje je dobilo niz priznanja kao što su:

- Nagrada "Victor Gollanz" - Njemačko Društvo za ugrožene narode,
- Nagrada "Sloboda" - Medunarodni centar za mir,
- Zlatna povelju mira "Linus Pauling" - Internacionalna liga humanista,
- Povelja grada Sarajeva - Muhidin Hamandžić, Željko Komšić,

- Nagrada Merhamet - Fondacija "Muradif Ćatić" (doprinos podizanju nacionalne svijesti i otkrivanju istina o razmjeri zločina počinjenog nad bošnjačkim narodom),
- Nagrada "LiberPress" - Udruženje "LiberPress France", Girona (Katalonija), uz podršku Vlade regije Girona,
- Nagrada Ujedinjenih nacija za Dan ljudskih prava,
- Nagrada za ljudska prava Komore advokata Španije (Komora broji oko 37 hiljada članova),
- Nagrada Turske Radio Televizije (TRT) Kurumu,
- Priznanje počasnog konzula BiH u Izmiru – A. Kemal Baysaka
- Potočarska povelja za doprinos u izgradnji mezarja i Memorijalnog centra u Potočarima
- Nagrada za Dan majki u Turskoj, uručena 12. 05. 2012. godine u Ankari
- Nagrada čitalaca magazina "Zehra",
- Načelnik istanbulske opštine Bayrampaşa, Atila Ayduner, proglasio je Muniru Subašić i Kadu Hotić "herojima stoljeca".

2. Memorijalnom centru Srebrenica -Potočari , kao priznanje za doprinos očuvanju historijske istine i njegovanju sjećanja na žrtve genocida tokom rata u Bosni i Hercegovini.

Obrazloženje

Odlukom Visokog predstavnika za Bosnu i Hercegovinu 2000. godine osnovan je Memorijalni centar Srebrenica-Potočari Spomen obilježje i mezarje za žrtve genocida iz 1995. godine. Memorijalni centar je mjesto sjećanja na žrtve genocida u Srebrenici iz 1995. godine.

Memorijalni centar Srebrenica – Potočari je memorijalni kompleks izgrađen u znak sjećanja na žrtve genocida nad Bošnjacima Srebrenice tokom rata u Bosni i Hercegovini. Centar je izgrađen u naselju Potočari u blizini Srebrenice a sastoji se od spomen obilježja i mezarja.

Bivši američki predsjednik Bill Clinton je septembra 2003. i zvanično otvorio memorijalni centar žrtava genocida. Prethodno, u martu iste godine, izvršen je ukop prvih 600 identificiranih žrtava genocida.

25. juna 2007. donešena je odluka a sastavni dio te odluke bio je i Zakon o Memorijalnom centru Srebrenica - Potočari, spomen obilježje i mezarje za žrtve genocida iz 1995. Tim zakonom ustanovljen je ovaj Memorijalni centar, kao pravni nasljednik prvobitne Fondacije sa sjedištem u Potočarima a definisan je i službeni naziv ovog memorijalnog centra kao: Memorijalni centar Srebrenica - Potočari, spomen obilježje i mezarje za žrtve genocida iz 1995.

Naknadnim ukopavanjima po nekoliko stotina žrtava, uglavnom na datum sjećanja na genocid, ovaj memorijalni centar sa mezarjem je uspostavljen kao mjesto trajnog očuvanja sjećanja na srebrenički genocid i kao opomena budućim generacijama na ratne strahote i posljedice koje mogu iz svega toga proisteći.

Važno je napomenuti da se u kompleksu Memorijalnog centra nalazi Muzej genocida, čiji je projekat izgradnje počeo 2021. godine pod pokroviteljstvom predsjednika Turske Recepta Tayyipa Erdogana. Projekat je finansirala Turska agencija za saradnju i koordinaciju (TIKA). Muzej genocida u Srebrenici, koji obuhvata period od 1992. godine, genocid nad Bošnjacima i period nakon ljeta 1995. godine, kada je počela borba na pronalaženju i identifikaciji ubijenih, otvoren je zvanično 11. jula 2025.g. i predstavlja najveće mjesto sjećanja i

edukacije o genocidu, s misijom da istina o julu 1995. nikada ne bude zaboravljena. Muzej se nalazi na historijskoj lokaciji, u hali u kojoj posjetioci mogu vidjeti i osjetiti kroz kakva patnje su stanovnici Podrinja prolazili tokom genocida.

3. Horu Hazreti Hamza, kao priznanje afirmaciji i promociji prirodne ljepote i kulturne baštine države Bosne i Hercegovine

Obrazloženje

Hor Hazreti Hamza predstavlja jedinstven kulturno-umjetnički fenomen koji već godinama dostojanstveno i snažno pronosi ime Bosne i Hercegovine širom svijeta. Njihov umjetnički put obilježen je nastupima na prestižnim festivalima poput Balkan Trafik, Mystical Journey, International Mystic Music Festival Karachi, kao i ASK u Sarajevu, uz brojne druge značajne scene. Pet studijskih albuma svjedoče o kontinuitetu, kvalitetu i autentičnosti njihovog izraza, dok su nastupi u renomiranim dvoranama poput Roy Thomson Hall, Royce Hall i Théâtre du Châtelet dodatna potvrda međunarodnog ugleda koji uživaju. Njihova umjetnost ne ostaje samo na estetskom doživljaju – ona nosi snažnu emociju, budeći patriotizam i ljubav prema domovini kroz numere poput “Za nju vrijedi umrijeti”, “Behar u Bosni” i “I dalje”.

Poseban doprinos Hora Hazreti Hamza ogleda se i u njegovoj društvenoj i obrazovnoj dimenziji – pjesma “Ramazan” uvrštena je u školski program, čime njihovo stvaralaštvo dobija trajnu pedagošku vrijednost. Saradnje s istaknutim imenima poput Latif Moćević, Elvira Rahić, Arduana Pribinja i Eldin Huseinbegović, te internacionalne zvijezde poput Sami Yusufa, Mustafe Demircija, Sami Ozera i drugih, dodatno su obogatile njihov umjetnički opus. Kroz muzičke spotove snimane širom Bosne i Hercegovine, Hor Hazreti Hamza kontinuirano promovira prirodne ljepote i kulturnu baštinu zemlje. Njihovo učešće na velikim koncertnim projektima, poput Moj ummete, Pod zastavom Muhammeda i Bajram dođe mirišu avlije, svjedoči o njihovom značaju u regionalnom kontekstu. Kao kruna međunarodnog priznanja, ostaje činjenica da je CNN ovoj grupi posvetio poseban prilog, čime su postali jedinstven primjer kulturnog ambasadora Bosne i Hercegovine, dostojan Plakete Kantona Sarajevo.

██████████kerić, zastupnik u Skupštini Kantona Sarajevo

██████████, 23.03.2026.g.